

# ურთიერთთანამშრომლობის მემორანდუმი

სსიპ - ბათუმის ხელოვნების სასწავლო უნივერსიტეტსა და

ა(ა)იპ - ჯიპა - საქართველოს საზოგადოებრივ საქმეთა ინსტიტუტს  
შორის

ქ. ბათუმი

15 მაისი, 2023 წელი

## პრეამბულა

ერთი მხრივ, სსიპ - ბათუმის ხელოვნების სასწავლო უნივერსიტეტი (შემდგომში „უნივერსიტეტი“), წარმოდგენილი რექტორის, თეიმურაზ კეჭერაძის მიერ და მეორე მხრივ, ა(ა)იპ - ჯიპა - საქართველოს საზოგადოებრივ საქმეთა ინსტიტუტი (შემდგომში „საქართველოს საზოგადოებრივ საქმეთა ინსტიტუტი“), წარმოდგენილი რექტორის, მაკა იოსელიანის მიერ, ორივე ერთად „მხარეებად“ წოდებული, აღიარებენ რა ორმხრივ ინტერესს, საქართველოში უმაღლესი განათლებისა და მეცნიერების სფეროში მიმდინარე რეფორმების ძირითადი პრინციპების, სწავლებისა და კვლევების ინტეგრირების, საგანმანათლებლო პროგრამების ხარისხის ამაღლების, გამოცდილების გაზიარებისა და ერთობლივი პროექტების შემუშავებისა და განხორციელების მიზნით, თანხმდებიან თანამშრომლობაზე.

ურთიერთთანამშრომლობა ხელს შეუწყობს:

- შემოქმედებითი მუშაობის, სამეცნიერო კვლევებისა და აკადემიური განათლებისათვის აუცილებელი მატერიალურ-ტექნიკური რესურსების ეფექტურად გამოყენებას;
- გამოცდილების გაზიარებასა და პერსონალის კვალიფიკაციის ამაღლებას;
- ერთობლივი პროექტების მომზადებასა და განხორციელებას;
- ცალკეული მიმართულების საგანმანათლებლო პროგრამების მომზადებაში თანამშრომლობასა და კონსულტაციების გაწევას.

## მუხლი 1

1.1. მხარეები აწარმოებენ შეთანხმებულ პოლიტიკას ერთობლივი პროექტების მომზადების, განხორციელებისა და აუცილებელი რესურსების მოზიდვის მიზნით.

1.2. მხარეები წინასწარი შეთანხმების საფუძველზე გამოიყენებენ ერთმანეთის მატერიალურ-ტექნიკურ და ინტელექტუალურ რესურსს მომერანდუმის მიზნების მისაღწევად.

1.3. მხარეები ერთმანეთს გაუწევენ კონსულტაციებს, განხორციელებენ ერთობლივ სამეცნიერო და შემოქმედებით პროექტებს, მოამზადებენ ერთობლივ სიმპოზიუმებს, კონფერენციებს, მასტერკლასებს და სხვადასხვა სახის ერთჯერად პროექტებს.

1.4. მხარეები უზრუნველყოფენ სხვადასხვა სახის სამეცნიერო, შემოქმედებითი და კულტურული ღონისძიებების განხორციელებას.

1.5. მხარეები ურთიერთშეთანხმებით მონაწილეობას მიიღებენ საგანმანათლებლო პროგრამების შემუშავების პროცესში (ინფორმაციის გაცვლა, მეთოდური დახმარება და სხვა.) აკადემიური პროგრამების პრაქტიკასთან დაახლოებისა და კომპეტენციების ჩამოყალიბების მიზნით.

1.6. მხარეები უზრუნველყოფენ პერსონალის გამოცდილების ურთიერთგაზიარებას მათი კვალიფიკაციის ამაღლების ხელშეწყობის მიზნით.

1.7. უნივერსიტეტი და საქართველოს საზოგადოებრივ საქმეთა ინსტიტუტი უზრუნველყოფენ:

ა) სასწავლო-სამეცნიერო ლიტერატურის, ბეჭდური გამოცემების და ელექტრონული ფორმის მასალების გაცვლას/გაზიარებას;

ბ) საბიბლიოთეკო ფონდებით სარგებლობის ხელმისაწვდომობას.

## მუხლი 2

2.1. წინამდებარე მემორანდუმში ცვლილებებისა და დამატებების შეტანა შესაძლებელია მხოლოდ მხარეთა წერილობითი შეთანხმებით.

2.2. მხარეთა შორის ურთიერთობათა სპეციფიკა, რომელიც არაა განსაზღვრული მემორანდუმში, რეგულირდება ორმხრივი შეთანხმებით.

2.3. მხარეები აძლევენ ერთმანეთს გარანტიას, რომ ისინი კეთილსინდისიერად შეასრულებენ წინამდებარე მემორანდუმით გათვალისწინებულ პირობებს.

## მუხლი 3

3.1. წინამდებარე მემორანდუმის შესრულებასთან დაკავშირებული სადავო საკითხები გადაიჭრება კონსულტაციებისა და მოლაპარაკებების გზით.

3.2. მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს მხარეთა მიერ რაიმე სხვა გადაწყვეტილების მიღებამდე.

3.3. მემორანდუმი შედგენილია თანაბარი იურიდიული ძალის მქონე ორ ეგზემპლარად, რომელთა თითო პირი გადაეცემა მხარეებს.

სსიპ - ბათუმის ხელოვნების  
სასწავლო უნივერსიტეტის  
რექტორი, პროფესორი



მის.: ბათუმი 6000, ზ.გორგილაძის/  
ვაჟა-ფშაველას №19/32  
საიდენტიფიკაციო კოდი: 245628496  
ტელ.: +995 551 21 75 77  
ელ.ფოსტა: info@batu.edu.ge  
ვებ.გვ. batu.edu.ge

ა(ა)იპ - ჯიპა - საქართველოს საზოგადოებრივ  
საქმეთა ინსტიტუტის რექტორი



მის.: ქ. თბილისი მარი ბროსის ქ. N2

საიდენტიფიკაციო კოდი: 204429341  
ტელ.: +995 599 21 71 41  
ელ.ფოსტა: admin@gipa.ge  
ვებ.გვ. gipa.ge